

বিবেক থাকে লুকিয়ে

শামস্ রহমান

ওরা আসছে ধেয়ে, প্রাণের ভয়ে;
পথহীন পথ চেয়ে।
ওরা আসছে ধেয়ে, প্রাণের ভয়ে;
বানের ঢল উজানে বেয়ে।
ওরা আসছে ধেয়ে, প্রাণের ভয়ে;
অমাবস্যার আঁধারে শত সহস্রে।
ওরা আসছে ধেয়ে, প্রাণের ভয়ে;
পূর্ব পুরুষের ইতিবৃত্ত লালন করে চিত্তে।
ওরা আসছে ধেয়ে, প্রাণের ভয়ে;
হাজার বছরের কাদা-জলে গড়া উঠান ফেলে;
আরাকান দুয়ারে ওদের অনল স্বলে।।
বিশ্ব দেখে বিশ্বয়,
বিবেক থাকে লুকিয়ে।।

ওরা আসছে ধেয়ে, প্রাণের ভয়ে;
উত্তরের পাহাড় ডিঙ্গিয়ে।
ওরা আসছে ধেয়ে, প্রাণের ভয়ে;
পশ্চিম সীমান্তের দিগন্ত পেড়িয়ে।
ওরা আসছে ধেয়ে, প্রাণের ভয়ে;
অপার অনিশ্চিতের আশ্রয়ে।
বিশ্ব দেখে বিশ্বয়ে,
বিবেক থাকে লুকিয়ে।।

ওরা আসে ধেয়ে, প্রাণের ভয়ে;
শিশু গুজে মুখ মায়ের বুক।
ওরা আসে ধেয়ে, প্রাণের ভয়ে;
কিশোরীর পুতুল ডুবে উবু-ডুবু জলে;
প্রথম পার্ঠের পংতি কিশোর গেছে ভুলে।
ওরা আসে ধেয়ে, প্রাণের ভয়ে;
অশীতি হাটে দূততায় বেঁধে যুবকের কার্ধে।
রাজনীতি যথারীতি চলে কৌশলে;
বিবেক থাকে লুকিয়ে।।

ওরা আসছে ধেয়ে, প্রাণের ভয়ে;
পুরুষের অস্পৃশ্য মৃত দেহ পিছনে ফেলে।
ওরা আসছে ধেয়ে, প্রাণের ভয়ে;
বিদীর্ণ বস্ত্রে কামুকের চিহ্ন লুকিয়ে।
ওরা আসছে ধেয়ে, প্রাণের ভয়ে;
মরণ ওদের সহস্রে ভাসে নাফের জলে;
স্নেহনিত্যসার প্রেতান্না স্বলে পূর্ণিমা চাঁদের উজ্জলে।
সিদ্ধার্থ দেখে বিশ্বয়ে,
বিবেক থাকে লুকিয়ে।।